



**2023 ilaatillugu aallarnerfigalugulu Ittoqqortoormiini aamma Tasiilami aqutsiveqarfinni qilalukkanut qaqortanut pisassiissutinik atuutilersitsinissaat pillugu Naalackersuisut peqqusiffiqeqarnissaannut Inatsisartunit aalajangiivigisassatut siunnersuut.**

(Inatsisartunut ilaasortaq Jens NapātôK', Naleraq)

(Siullermeerneqarnera)

**Naalackersuisut ukioq 2023-imut qilalukkanik qaqortanik 15-inik aqutsiveqarfimmut Tasiilamut pisasseeqqullugit peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Mala Høy Kúko, Siumut)

(Siullermeerneqarnera)

Siunnersuuteqartunut qjanaq ilitsoqqussaralugu piniartarnerput ukkatarimmassuk.

Demokraatit isumaqarput arfanniarneq kulturitta ilagigaat pingaarutilik, takorlooruminaatsipparpullu ima inississagaluarutta, arfanniartarunnaarluta. Tamanna assut uggornassagaluqaq. Taamaattumik pingaartuuvoq, arfanniarnermut atatillugu eqqarsarluarnissarput – imaalinnngisaannassaarmi, ilitsoqqussarput kusanartoq kinguaassatsinnut aserussagaluarutsigu ullumikkut arfernik amerlavallaanik piniarnitsigut. Kinguaassagut eqqaamajuaannassavagut, politikikkut suliniarnitsinni.

Siunnersuuteqartut uani kissaatigaat Tunumi qilalukkanik qaqortanik piniarnermi pisassiisoqartalissasoq. Oqarsinnaassagaluarama, isumassarsialsialaasoq, kisiannili taamaalorsinnaanngilanga. Misissuinerit ersarissut tamarmik ilimanarsisippaat, qilalukkat ikippallaartut, illersorneqarsinnaasumik piniarneqarnissaminnut. Eqqaasitsissutigeqqillara, uagut politikkeritut siunissami kinguaassatta eqqarsaatiginissaannut pisussaaffeqaratta.

Maluginiarpara, Naalackersuisut paasissutissiissutigigaat, Pinngortitaleriffik oqaluttuarsimasoq, Tunumi piniartut nalunaarsimasut, akuttusoorujussuarmik Tunumi qilalukkanik qaqortanik takusarlutik. Taassuma illuatungilerpaa nalinginnaasumik pisassiisarnissap eqquneqarnissaa. Piniartut tusarnaartariaqarpagut.

Maani nunatsinni ukiorpassuarni oqallisaasimavoq, biologit pisassiissutit killilersorniartaraat, ilisimatuussutsikkut toqqammaviit naammangikkaangata, pisassiissutit amerlinissaannut illersorneqarsinnaasumik isummersinnaanngorlutik, illuatungaanilu piniartut isumaqartut, arferpassuarnik takusaqartarsimallutik, taammaattumillu pisassiissutit amerlineqartariaqartut. Uanili taamaanngilaq. Biologit piniartullu isumaqarmata, Tunumi qilalukkat qaqortat amerliartornerannik ersiuteqanngitsiq. Aammaarlunga oqassaanga; piniartut ilisimasaat tusarnaartariaqarpagut.

Ataqqisariaqarparputtaaq, arfanniarneq nunat tamalaat akornanni isumaqatigiissutit toqqammavigalugit aalajangersarneqartarmata ilaatigut, taamaalillunilu pisassiissutit amerlinissaannut periarfissanik



annikillisaataasarlutik. Allatut oqaatigalugu ataqqisariaqarparput, piniariaaserput nungusaataanngitsumik pisassasoq, meeqqagut ernguttagullu arfernik pisassaqarniassammata.

Taamaattorli Demokraatinit Naalackersuisut isumassarsiaannut teknikkikkut pisassiisarnermik eqqussinissaq ilalernartipparput. Tamannali Aalisarnermut,- Piniarnermut Nunalerinermullu ataatsimiititaliamit sukumiisumik misissorneqartariaqarpoq, arlaatigut kingunerlunnginnissaa qulakkeerneqartariaqarmat, nunap immikkoortuini allani qilalugarniarfiusuni kalluaassanngimmat.

Taamatut oqaaseqaateqarluta Naalackersuisut allannguutissatut siunnersuutaat Aalisarnermut,- Piniarnermut Nunalerinermullu ataatsimiititaliamut suliassanngorlugu innersuussutigaarput.